


# পুনর্জন্ম

( প্রহসন )





ঐদ্বিজেন্দ্রলাল রায়

---

ভাঙ্গ—১৩২৮

---

মূল্য ১০ চারি আনা মাত্র



প্রিণ্টার—শ্রীশরচ্চন্দ্র চক্রবর্তী

কালিকা প্রেস

২১, নন্দকুমার চৌধুরীর ২য় লেন, কলিকাতা






বঙ্গভাষায় উপন্যাস-সাহিত্যের গুরু

দার্শনিক কবি

৩প্যারিচাঁদ মিত্র মহাশয়ের

স্মৃতির উদ্দেশে

এই ক্ষুদ্র প্রহসনখানি উৎসর্গ হইল।




## ভূমিকা ।

ডীন সুইফ্ট সত্য সত্যই একজন জীবিত জ্যোতিষী পঞ্জিকা-কারকে মৃত বলিয়া সাব্যস্ত করিয়াছিলেন । তাঁহার অত্যাচারে নিরুপায় হইয়া পঞ্জিকাকার শেষে আপনাকে জীবিত প্রমাণ করিবার উদ্দেশ্যে একজন উকীল নিযুক্ত করেন । কথিত আছে যে তথাপি ঐ পঞ্জিকাকার স্মায় অস্তিত্ব সন্তোষকররূপে প্রমাণ করিতে পারেন নাই । সেই আখ্যানকে অবলম্বন করিয়া বর্তমান প্রহসনখানি রচিত হইয়াছে ।

এই প্রহসনের মর্ম্ম কি পাঠক যদি জানিতে চাহেন, তাহা হইলে তিনি অনুগ্রহ করিয়া যেন একটু চিন্তা করিয়া দেখেন । ইহাতে নীতি কথার অভাব নাই ।



# পুনর্জন্ম



স্থান—যাদব চক্রবর্তীর বহিঃকক্ষ । কাল—রাত্রি ।

ফরাস, টেবিল ও চেয়ার ঘরটিতে ছড়ানো । পার্শ্বে একখানি খাটিয়া । দেওয়ালে ষড়িতে সাতটা বাজিয়া সতেরো মিনিট ।

যাদবের বিপত্তীক ভগ্নীপতি অশ্বিনী এবং যাদবের দ্বিতীয় পক্ষের স্ত্রী সৌদামিনী দণ্ডায়মান ।

অশ্বিনী । আজ সেই দোসরা বৈশাখ । আমি সব বুদ্ধির পড়িয়ে রেখেছি ।

সৌদামিনী । কিন্তু—আমি এখন ভাবছি, যে এতে ফল কি হবে ?

অশ্বিনী । ফল ! বেশী কিছু নয়, ওর প্রাণরক্ষা হবে । খাতকেরা তোমার স্বামীকে একদিন উত্তম মধ্যম দেবে ব'লেছে জানো ?

সৌদামিনী । তা ওঁর অপরাধ কি ? সুদে টাকা ধার দিয়েছেন—সুদ নেবেন না ? যখন মহাজনি কর্তে বসেছেন—

অশ্বিনী । 'অভাগাদের ভিটে মাটি উচ্ছন্ন করে' ! এর নাম মহাজনি ! না রাহাজনি ! সকালে উঠে কেউ ওর নাম করে না—পাছে ভাতের হাঁড়ি ফেটে যায় ; ওর মুখ দেখে না—অযাত্রা ! অনেকে সকালে বিকালে ওর মূঢ়া কামনা করে । এ কি বড় সুখের অবস্থা !

সৌদামিনী । তবে আহা! ঐষধ দুই হবে !—কিন্তু বিধ্বে হয় !

অশ্বিনী । তা ঠিক বিধ্বে ! শালার জ্যোতিষ শাস্ত্রে ভারি বিশ্বাস ।

গণৎকার যখন ব'লেছে যে ও দোসরা বৈশাখ ছপরে নিজের বাড়ীতে সাপে কামড়ে মর্কে, ও বিশ্বাস করে' বসে' রয়েছে ।

সৌদামিনী । তিনি এখন কোথায় ?

অশ্বিনী । মল্লিক পুকুরে গিয়ে একগলা জলে চূপ করে' বসে' আছে । পুকুরে থাকলে আর নিজের বাড়ীতে কেমন করে' সাপে কামড়াবে ?

সৌদামিনী । [ সহাস্ত্রে ] আশ্চর্য্য !

অশ্বিনী । আজ বেশ একটু মজা হবে ।

সৌদামিনী । ওঃ ! কি মজাই হবে !—কৈ এখনও আস্ছেন না যে !

অশ্বিনী । এলো বলে' ।—তোমায় যা যা কর্তে বলে' দিয়েছি, মনে আছে ত ?

সৌদামিনী । খুব আছে !—

অশ্বিনী । আচ্ছা, এখন বাড়ীর ভিতরে যাও ।

সৌদামিনী । ওঃ ভারি মজা হবে । আর তর সৈছে না—

### গীত—

বঁধু হে—আর কোরো না রাত ।

শুকিয়ে যাচ্ছে তোমার বাড়ী ভাত ।

তুমি খেলে আমি খাবো, এ কথা না মূলে ভাবো,

কখন আমি শুতে যাবো ( তাই ) ভাব্ছি দিয়ে মাথায় হাত ।

ছেলেরা সব নাইক বাড়ী, মেয়ে আছে জেগে,—

দাসী কচ্ছে' বকাবকি—আমি যাচ্ছি রেগে ;—

যরের মধ্যে বিঘ্ন মশা, অসাধ্য এখানে বসা,

বিরহিণীর দশদশা জানোইত প্রাণনাথ ।

অশ্বিনী । যাদব পূর্কজন্মে অনেক তপস্যা ক'রেছিল, তাই এমন স্ত্রী পেয়েছে ! শালার টাকার ইয়ত্তা নাই ; কিন্তু স্ত্রীকে পর্য্যস্ত পেট



ভরে' খেতে দেবে না ! তবু সৌদামিনীর মুখে হাসিটি লেগেই আছে ।  
আর একটা মজা পেলে হয় । হাসতে হাসতে ঢলে' পড়ে ।—শালা  
কঙ্কুষের সর্দার ! অধম ! বুড়োবয়সে বিয়ে ক'রেছে—এক সুন্দরী  
শিক্ষিতা স্ত্রীকে—একটা নিরেট মুর্থ, নৈলে কোণ্ঠী বিশ্বাস করে !

নন্দ, জ্যোতিষ, জলধর ও জীবনকৃষ্ণের প্রবেশ ।

অশ্বিনী । এই যে তোমরা এসেছ ! ঠিক সময়ে এসেছো ।—যাদব  
এক্ষণেই আসবে ।

জ্যোতিষ । এদিকে সব তৈরি ?

অশ্বিনী । সব তৈরি । কেবল ছেলে ছটোকে বলা হয়নি । তিন  
দিন তা'রা বাড়ীমুখো হয়নি । পয়সা খরচ হবে বলে' শালা  
তাদেরও শিক্ষা দেবে না ! তা তা'রা বিগুড়ে যাবে না ? ছটো  
কুখাও হয়ে' দাঁড়িয়েছে ।

জ্যোতিষ । [ সন্দেহভাবে ] তবেই ত !

অশ্বিনী । কিন্তু তা'রা সহজেই টোপ্ গিলবে এখন । বাপ কবে'  
মর্কে বলে' 'হা প্রত্যাশ' করে' বসে' আছে—কুপনের ছেলে যা হয় ।  
বাপ ম'রেছে শুনে ছেলে ছটো কি করে তাও দেখুক শালা ।—ঐ যে  
আসছে ! জলধর, শোও, শোও ।

জলধর শুইলেন ।

অশ্বিনী । তোমরা সব ঘিরে বোস ।

সকলে ঘিরিয়া বসিলেন । অশ্বিনী জলধরের উপর চাদর বিছাইলেন ।

অশ্বিনী । খুব হুঃখিতভাবে বোস ।—জলধর ! নোড়ো না ।

সকলে খুব হুঃখিত ভাবে বসিলেন ।

অশ্বিনী । প্রস্তুত ?

সকলে । প্রস্তুত ।

অশ্বিনী । তবে আমি আসি । ঠিক সময়ে এসে উপস্থিত হ'ব ।

—খুব দুঃখ প্রকাশ কর ।

[ প্রস্থান ]

যাদবের প্রবেশ ।

যাদব । খুব ফাঁকি দিয়েছি । তা'হলে দেখা যাচ্ছে কোষ্ঠীও মিথ্যে হয় । আমি ভেবেছিলাম ঠিক দিবা দ্বিপ্রহরে অন্ধা পাবো তা [ ঘড়ি দেখিয়া ] দুপুর যখন বেজে গেছে, তখন আর ভয় নেই ।

জ্যোতিষ । আহা হা হা ! বেচারী মোলো !

নন্দ । দুপুর বেলা—

জীবন । সাপে কামড়ে !

যাদব । কে মোলো ?

জ্যোতিষ । অদৃষ্ট—

নন্দ । কেউ খণ্ডাতে পারে না ।

জীবন । তবুও লোকে জ্যোতিষ শাস্ত্র মানে না !

যাদব । মোলো কে ?

নন্দ । কৈ ! ছেলেরা কেউ এখনও এলো না ত !

জ্যোতিষ । কতক্ষণ ধরে' বসে' আছি ।

জীবন । আর কতক্ষণ অপেক্ষা করি ? চল, শ্মশান-ঘাটে নিয়ে যাই ।

যাদব । আরে কাকে শ্মশান-ঘাটে নিয়ে যাবে ?

জ্যোতিষ । আহা ! যাদব চক্রবর্তী—

নন্দ । শেষে কি না—

জীবন । মোলো ।

যাদব । এঁয়া । যাদব চক্রবর্তী মোলো ! কোন্ যাদব চক্রবর্তী ?

জ্যোতিষ । এমন ঘ—র বাড়ী—

নন্দ । দ্বিতীয় পক্ষের পরমাসুন্দরী স্ত্রী—  
 জীবন । আহা হা হা !  
 যাদব । কে ম'রেছে ?  
 জ্যোতিষ । আজ্ঞে, যাদব চক্রবর্তী !  
 যাদব । যাদব চক্রবর্তী মর্তে যাবে কেন, মহাশয় ?  
 নন্দ । কেন যাবে তা কি করে' বল্বো, মহাশয় !—তবে ম'রেছে ।  
 যাদব । সে কি !  
 সকলে । আহা হা হা !  
 যাদব । আপনারা কি বলছেন ? এইত আমি বেঁচে র'য়েছি ।  
 জ্যোতিষ । আপনি কে মহাশয় ?  
 যাদব । আমিই ত যাদব চক্রবর্তী ।  
 নন্দ । বটে !  
 যাদব । বটে কি রকম ?  
 জীবন । সোনার চাঁদ আমার !  
 যাদব । মহাশয়, আপনারা কি ক্ষেপেছেন ? আপনারা দেখতে  
 পাচ্ছেন না যে আমিই যাদব—  
 জ্যোতিষ । যান, মশায় । এ শোকের সময় ভাঁড়ামি করবেন না ।  
 নন্দ । গাঁজাখোর নাকি !  
 জীবন । যাও এখান থেকে ।  
 যাদব । কি জ্বালা ! আপনারা কি ক্ষেপেছেন ? আমিই যে  
 যাদব চক্রবর্তী । চেয়েই দেখুন না—  
 জ্যোতিষ । বটে !—আচ্ছা দেখি । [ নিরীক্ষণ ]  
 নন্দ তাঁহার মস্তক ঘুরাইয়া তাঁহাকে আপাদমস্তক নিরীক্ষণ  
 করিলেন ।

জীবন তাঁহার চারিদিক ঘুরিয়া পর্য্যবেক্ষণ করিলেন ।

নন্দ । ওহে ! অনেকটা তার মত দেখতে বটে !

জীবন । সেজেছে ত বেশ !

জ্যোতিষ । বাঃ !

যাদব । সেজেছি কি রকম ?

জ্যোতিষ । হুঁ চমৎকার ! তবে ঐ নাকটা হয়নি ।

যাদব । নাকটা হয়নি কি রকম ? [ নাকে হাত দিয়া দেখিলেন ]

নন্দ । রংটা—তা একরকম করে' তুলেছে !

যাদব । করে' তুলেছি ?

জীবন । টিকিও রেখেছে !—বাহাদুরী আছে ।

জ্যোতিষ । কিন্তু ঐ নাকটা ।

নন্দ ও জীবন । [ সঙ্গে সঙ্গে ] ঐ নাকটা ।

যাদব । নাকটা কি হয়েছে ?

জ্যোতিষ । না,—হয়নি !

নন্দ । উঁহঃ ।

জীবন । খাতক ঠকাতে পারবে না ।

যাদব । কি ! আপনারা কি বলতে চান যে আমি যাদব চক্রবর্তী নই ?

জ্যোতিষ । বেশ বাবা ! বাক্যগুলো বেশ তৈরি ক'রেছো ত !

নন্দ । চমৎকার !

জীবন । মন্দ নয় !

জ্যোতিষ । আহা, নূতন দ্বিতীয় পক্ষের স্ত্রী !

নন্দ । শিক্ষিতা—

জীবন । যুবতী ।

যাদব । যুবতীই হোক, বুড়ীই হোক তোমাদের তাতে কি ? সে আমার স্ত্রী ।

জ্যোতিষ । বেশ বাবা ! শুধু খাতক ঠকাবার মতলব নয়—

নন্দ । আবার—

জীবন । হুঁ !

যাদব । আপনারা—কে আপনারা ?

খাতকদিগের প্রবেশ ।

১ম খাতক । মহাশয়, যাদব চক্রবর্তী নাকি মারা গিয়েছেন ?

জ্যোতিষ । আজ্ঞে হাঁ । আমরা তাঁকে এই শ্মশান-ঘাটে নিয়ে যাচ্ছি ।

যাদব । আজ্ঞে না—যাদব চক্রবর্তী আপাততঃ আপনারদের সম্মুখে সশরীরে বর্তমান ।

২য় খাতক । ও ! এই সেই লোকটা— না ?

নন্দ । কোন্ লোকটা ?

৩য় খাতক । যে যাদব চক্রবর্তী সেজেছে !

যাদব । সেজেছে ?

জীবন । আজ্ঞে হাঁ, সেই লোকটা ।

৪র্থ খাতক । ভণ্ড !

যাদব । ভণ্ড !—আমার বাড়ী থেকে বেরিয়ে যাও বলছি ।

১ম খাতক । তুমি বেরোও ।

যাদব । এ আমার বাড়ী ।

২য় খাতক । ও ! আমাদের ফাঁকি দিতে এসেছো । তা হচ্ছে না ।

৪র্থ খাতক । একটি পয়সা দিচ্ছিনে ।

যাদব । নালিশ করলে এক পয়সার অনেক বেশী দিতে হবে ।

৩য় খাতক । নাশিশ কর্কে ! স্পর্ধা দেখ !

১ম খাতক । তোমার আমরা পুলিশে দেবো ।

৩য় খাতক । ডাকো পুলিশ ।

৪র্থ খাতক । তোমার বুজরুকি বের করছি !

২য় খাতক । যাও ত হে, পুলিশ ডাক ত ।

[ ১ম খাতকের প্রস্থান ]

জ্যোতিষ । চল, নন্দ ! আমরা যাই । আর কতক্ষণ বসে থাকবো ।

জীবন । ওঠাও ।

নন্দ । হাঁঃ । তোমো—

তাঁহারা জলধরকে খাটিয়া শুদ্ধ উঠাইলেন ।

সকলে । বল হরি—হরিবোল !

[ প্রস্থান ]

যাদব । তাইত ! এরা কাকে শ্মশান-ঘাটে নিয়ে গেল ! যাদব চক্রবর্তীকে ? তবে আমি কে ?

২য় খাতক । ধাপ্লাবাজ !

যাদব । গালাগালি দিও না বলছি—

৩য় খাতক । সং !

যাদব । ফের !

৪র্থ খাতক । মারো বেটাকে !

যাদব । মহাশয়—

সকলে । চোপ্তরও ।

ক্রমে সকলে মিলিয়া তাহাকে প্রহার আরম্ভ করিল ।

যাদব । এই পাহারাওয়াল ! পাহারাওয়াল !

একদিক দিয়া যাদবের কণ্ঠা ও অপরদিক দিয়া অশ্বিনীর প্রবেশ ।

অশ্বিনী । কিহে ! কিহে ! এত গোলমাল কিসের ?

যাদব । এই এসেছো, অশ্বিনী—দেখত ভাই—

সকলে । চোপুরণ্ড ।

অশ্বিনী । ব্যাপারখানাটা কি ?

যাদব । এই এঁরা—দেখত—

সকলে । চোপুরণ্ড ।

অশ্বিনী । ব্যাপারখানাটা কি ?

২য় খাতক । আজ্ঞে ! যাদব চক্রবর্তী মারা গিয়েছেন—

৩য় খাতক । তাই শুনে আমরাও এসেছি ।

৪র্থ খাতক । কিন্তু এ বেটা যাদব চক্রবর্তী সেজে এসেছে ।

যাদব । আমি কিন্তু—

সকলে । চোপুরণ্ড ।

অশ্বিনী । আঃ—গোলমাল করেন কেন, মহাশয় ! আমি ঠিক করে' দিচ্ছি !—যাদব চক্রবর্তী মহাশয় মারা গিয়েছেন ?

২য় খাতক । আজ্ঞে হাঁ ।

অশ্বিনী । কৈ আমি ত শুনিনি ! হ'তেই পারে না ।

যাদব । দেখত ! আমি এই জলজ্যান্ত—

সকলে । চোপুরণ্ড ।

অশ্বিনী । আঃ কি কর !—যাদব বাবু ঠিক মারা গিয়েছেন ?

৩য় খাতক । আজ্ঞে হাঁ । এই আপনার আসবার একটু আগে তাঁর মৃত-দেহ গাশানে নিয়ে গেল ।

অশ্বিনী । কখন ?

৪র্থ খাতক । এই দুপুর বেলা ।

অশ্বিনী । কিসে মারা গেলেন ?

২য় খাতক । সাপে কামড়ে ।

অশ্বিনী । দুপুর বেলা সাপে কামড়ালে ! হ'তেই পারে না ।

যাদব । দেখত ভাই ! এরকম অত্যাচার দেখেছো ? আমি  
বেঁচে থাকতে থাকতেই—

সকলে । চোপ্‌রও ।

অশ্বিনী । দুপুর বেলা সাপে কামড়ে ম'লেন কি রকম ?

২য় খাতক । তাঁর কোন হাত ছিল না । কোষ্ঠীতে তাই লেখা  
ছিল । কি কর্‌ষেন !

অশ্বিনী । আচ্ছা, কোষ্ঠী বের কর ।—নিয়ে এসো ত, মা ! তোমার  
মায়ের কাছে থেকে তোমার বাবার কোষ্ঠীটা ।

বালিকা চলিয়া গেল ।

অশ্বিনী । কোষ্ঠীতে আছে ?—ঠিক ?

৪র্থ খাতক । অবিকল ।

৩য় খাতক । আমরা কি মিছে কথা কচ্ছি ?

যাদব । আমি কিন্তু বেঁচে আছি ।

অশ্বিনী । আচ্ছা, কোষ্ঠী দেখলেই বোঝা যাবে ।

যাদব । এ—বিষম ফ্যাসাদে ফেলে দেখছি—তুমিও কি আমাকে  
চিন্তে পার্ছ না ?

অশ্বিনী । ব্যস্ত হন কেন, মশায়—এই যে !

বালিকা কোষ্ঠী লইয়া অশ্বিনীকে দিল ।

অশ্বিনী । কৈ !

৪র্থ খাতক । দেখি—এই দেখুন—২রা বৈশাখ ! তার পরে এই  
কোষ্ঠীর পাশে গণৎকারের টীকা ঐ দিন দিবা দ্বিপ্রহরে কেতুর



দশা ছাড়বার আগেই নিজের বাড়ীতে সর্পাঘাতে মৃত্যু—  
দেখছেন না ?

অশ্বিনী । তাই ত ।—যাও, মা, তুমি ভিতরে যাও [ বালিকা চলিয়া  
গেল ]

অশ্বিনী । [ চিন্তিত ভাবে পড়িতে পড়িতে ও ঘোঁপে তা দিতে  
দিতে ] হুঁ ! ঠিক লেখা আছে বটে ।

যাদব । কিন্তু তুমি ভাই আমাকে ত চেনো ।

অশ্বিনী । [ ধীরে ধীরে ষাড় নাড়িয়া ] উঁহঃ—case খারাপ ।

জ্যোতিষের পুনঃ প্রবেশ ।

জ্যোতিষ । তার উপর এই দেখুন ডাক্তারের সার্টিফিকেট ।

অশ্বিনী । কি সার্টিফিকেট ?

জ্যোতিষ । যে যাদব চক্রবর্তী ম'রেছে—এই লিখে দেখুন—

I certify that Jadab Chundra Chackerburty is defunct.  
He is as dead as a doornail.

যাদব । ও বাবা !

অশ্বিনী । তাইত !—মহাশয়—আপনার case ক্রমে খারাপ থেকে  
খারাপ'তর'এ দাঁড়াচ্ছে । বুঝি টেঁকে না ।

যাদব । কেন ?

অশ্বিনী । এদিকে কোণী, ওদিকে ডাক্তারের সার্টিফিকেট ।

ওয় খাতক । তার উপর আমরা সকলে স্বচক্ষে দেখেছি—যে  
যাদব চক্রবর্তীকে গুশানে নিয়ে যাচ্ছে ।

অশ্বিনী । সকলে দেখেছ ?

খাতকগণ । সকলে !

অশ্বিনী । উঁহঃ—case কোন মতেই টেঁকে না ।—এতেও যদি কেউ বাঁচে তা' হ'লে—

যাদব । [ সাগ্রহে ] তা' হ'লে ? তা' হ'লে ?

অশ্বিনী । তা' হলে সে বাঁচা মঞ্জুর নয় ।

যাদব । অশ্বিনী ! শেষে তুমিও—তুমিও আমার চিন্তে পাচ্ছ না ?

অশ্বিনী । দেখুন, আমি স্বীকার কর্তে প্রস্তুত যে, আপনি দেখতে কতক যাদব চক্রবর্তীর মত ।

যাদব । কতক !—মত !—মাথা ঘুলিয়ে দিলে !—

অশ্বিনী । তার চেয়ে বেশী বলা অসম্ভব । পৃথিবীতে দেখা যায় যে দুজন মানুষ কখন কখন অবিকল একরকম দেখতে হয় । যেমন যমজ সন্তান । যাদবের পিতার যে যমজ সন্তান ছিল না তার কোনই প্রমাণ নাই । তাঁর পিতাকে ( তিনি এখন স্বর্গে ) সে কথা কখন জিজ্ঞাসা করা হয়নি । আর এখন জিজ্ঞাসা করাও অসম্ভব—যেহেতু তিনি এখন স্বর্গে ।

যাদব । কিন্তু আমি যে বলছি ।

অশ্বিনী । আপনার কথা ধর্তব্যই নয় । আপনি কে এই ত সমস্তা ! যদি আপনাকে যাদব চক্রবর্তী বলে' ধরে'ই নিলাম তা' হ'লে আপনি আর প্রমাণ করবেন কি ?—এতে কিছু প্রমাণ হচ্ছে না ।

যাদব । তবে কিসে প্রমাণ হবে ?

অশ্বিনী । আপনার কোন সাক্ষী আছে ?

যাদব । না, কৈ—

অশ্বিনী । এঁরা সকলে একবাক্যে বলছেন যে আপনি যাদব চক্রবর্তী নন । কেমন ? আপনারা বলছেন কিনা ?

যাদব । হ্যাঁ, আমরা সকলেই বলছি ।

যাদব । আপনারা কি গম্ভীর ভাবে এই কথা বলছেন ?

সকলে । গম্ভীর ! চেয়ে দেখ [ অত্যন্ত গম্ভীর ভাবে ] তুমি যাদব চক্রবর্তী নও ।

যাদব । তাইত ! তবে সত্যই কি আমি যাদব চক্রবর্তী নই ?

২য় খাতক । কোন পুরুষে নও ।

৩য় খাতক । যাদবের ঐ চেহারা !

৪র্থ খাতক । জাল যাদব সেজে এসেছো, চাঁদ—খাতক ঠকাতে ?

৫ম খাতক । দেনার একটি পয়সা দিচ্ছিনে ।

যাদব । আমি নালিশ করব ।

অধিনী । আদালতে তোমার নালিশ নেবে কেন ! এঁরা ধার ক'রেছিলেন যাদব চক্রবর্তীর কাছে । আপনি ত যাদব চক্রবর্তী নন ।

যাদব । প্রমাণ করব ।

অধিনী । প্রমাণ করা শক্ত হবে । আপনারা সকলেই সাক্ষ্য দেবেন বোধ হয় যে ইনি যাদব চক্রবর্তী নন ।

খাতকগণ একসঙ্গে “নিশ্চয়” বলিয়া উঠিলেন ।

অধিনী । প্রতিজ্ঞা রাখতে পারলে ত ।

যাদব হতাশাব্যঞ্জক অঙ্গভঙ্গী করিলেন ।

অধিনী । মহাশয় ! আমি উকীল । আপনাকে বন্ধুভাবে পরামর্শ দিচ্ছি, অমন কাজ করবেন না ! শেষে জেলে যাবেন !

যাদব । জেলে ।

অধিনী । মানুষ জাল ! চারটি বৎসর !

যাদব । ও বাবা !

অধিনী । আপনাকে বন্ধুভাবে উপদেশ দিচ্ছি—যদিও আমি

আপনাকে চিনি না—ও বিপদের মধ্যে যাবেন না। আর—শুনুন—  
আপনি যে যাদব চক্রবর্তী তা কখনই খুব সম্ভাব্যভাবে প্রমাণ  
কর্তে পারেন না।

যাদব। কেন ?

অশ্বিনী। এই কোণী আপনার সর্বনাশ ক'রেছে। কোণী কখন  
মিথ্যা হয় ?—আপনিই বলুন।

যাদব। তা হয় না বটে।

অশ্বিনী। তার উপর ডাক্তারের সার্টিফিকেট—যা'রা মরা মানুষ  
বাঁচাতে পারে না বটে, কিন্তু জলজ্যান্ত মানুষ অনায়াসে মেরে ফেলতে  
পারে। আমি বলছি, আপনি যে যাদব চক্রবর্তী—সে বিষয়ে  
ষোরতর সন্দেহ ; যদিও হন, প্রমাণ কর্তে পারেন না।

যাদব। তোমারও সন্দেহ !

অশ্বিনী। আপনিই ভেবে দেখুন না ! আপনার নিজেরই কি  
সন্দেহ হচ্ছে না ? এদিকে কোণী ওদিকে ডাক্তারের সার্টিফিকেট !

যাদব। ডাক্তার সত্য ব'লেছে যে আমি ম'রেছি ?

অশ্বিনী। এই দেখুন না। [ সার্টিফিকেট দিলেন ]

যাদব। [ পড়িয়া মস্তককণ্ঠুয়ন করিয়া ] তাইত !

অশ্বিনী। আপনার নিজেরই সন্দেহ হচ্ছে না ? তার উপর যাদব  
চক্রবর্তীকে আপনার সন্মুখে শ্মশানে নিয়ে গেল।

যাদব। তা ত গেল। [ পুনরায় মস্তককণ্ঠুয়নসহকারে ] আমার  
মাথা ঘুলিয়ে যাচ্ছে।

ধবরের কাগজ পড়িতে পড়িতে নদের পুনঃ প্রবেশ।

যাদব চক্রবর্তী মোলো, দেশের লোকের প্রাণ জুড়োলো। সুদ সে  
আদায় ক'র্তে শুবে, জোঁকের মত রক্ত চুষে। ওহে যাদব যে সব টাকা,

(তোমার) অনেক কষ্টে জমিয়ে রাখা ; এখন সে সব দেখ্‌ছো ভেবে, বারভূতে উড়িয়ে দেবে। তুমি এখন যাত্রা কর, (এবং গিয়ে) নরকেতে পচে' মর ।

অশ্বিনী । একি ! খবরের কাগজেও লিখেছে নাকি ?

নন্দ । আজ্ঞে হাঁ ।

অশ্বিনী । বলেন কি !—ছাপার অক্ষরে ?

নন্দ । দেখুন না—

অশ্বিনী । [ খবরের কাগজ দেখিয়া ] মহাশয় আপনার case hopeless !

সঙ্গে সঙ্গে যাদব বসিয়া পড়িলেন ।

অশ্বিনী । [ খাতকদিগকে ] মহাশয়গণ ! আপনারা এখন বাড়ী যান । আমি এখন যাদবের estateএর administration নেবার যোগাড় করি গে যাই ।

যাদব । [ উঠিয়া ] Letter of administration ! কে নেবে ?

অশ্বিনী । যাদব বাবুর বিধবা পত্নী । এখন আমারই এ বিষয় পত্তর দেখতে হবে । আর কি কর্ব !—আপনাদের দেনার সুদ দিতে হবে না ।

যাদব । সে কি ?

খাতকগণ । জয় হোক । অশ্বিনী বাবুকি জয় !

[ প্রস্থান ]

যাদব । সুদ দিতে হবে না কি রকম ?

অশ্বিনী । দরকার কি ? যাদব বাবু অনেক টাকা রেখে গিয়েছেন ।

যাদব । গিয়েছেন ! [ সাহুনয়ে ] অশ্বিনী ! ভাই, আমি কিন্তু মরিনি—মোহাই !

অশ্বিনী । কি কর্ণ মহাশয় ! আইনে আপনি টিকছেন না !

[ প্রস্থান ]

প্রতিবেশিনীগণের প্রবেশ ।

১ প্রতিবেশিনী । বেশ হ'য়েছে ।

২ প্রতিবেশিনী । আপদ গিয়েছে ।

৩ প্রতিবেশিনী । অনেক টাকা জমিয়ে রেখে গিয়েছে না ? নিজে  
না খেয়ে—

৪ প্রতিবেশিনী । এখন দশজনে লুটে পুটে খাবে ।

৫ প্রতিবেশিনী । কেপ্লনের সম্পত্তি ঐ রকমেই যায় ।

যাদব । না, যত শুন্ছি ততই যে সন্দেহ হচ্ছে বেঁচে আছি কি না !

—প্রতিবেশিনীগণ !—

১ প্রতিবেশিনী । এ কে !

যাদব । আমি—

২ প্রতিবেশিনী । সং ।

যাদব । যাদব—

৩ প্রতিবেশিনী । আ মর্ !

যাদব । চক্রবর্তী ।

৪ প্রতিবেশিনী । ম'রেছে !

যাদব । না এখনও মরিনি ।

৫ প্রতিবেশিনী । বেরো মিসে ।

যাদব । আমি বেরোবো !—এ আমার বাড়ী, তোমরা বেরোও !

৬ প্রতিবেশিনী । এ আবার কে রে—!

২ প্রতিবেশিনী । কেন, বেরিয়ে যাব কেন ?

৩ প্রতিবেশিনী । কিসের জন্ত ?

৪ প্রতিবেশিনী । হাঁ বল ত !

৫ প্রতিবেশিনী । মরু মিসে !

যাদব । তাইত !

১ প্রতিবেশিনী । উননমুখো ম'রে গিয়েছে বেশ হ'য়েছে [ বসিল ]

২ প্রতিবেশিনী । দেশশুদ্ধ লোকগুলো বাঁচলো [ বসিল ]

৩ প্রতিবেশিনী । ছেলে দুটো খেয়ে বাঁচবে [ বসিল ]

৪ প্রতিবেশিনী । মেয়েটা কিন্তু খেতে পাবে না [ বসিল ]

৫ প্রতিবেশিনী । ওর নরকেও গতি হবে না [ বসিল ]

যাদব । আবার বসে' যে!—যাদব চক্রবর্তী জাগো ! তোমার অস্তিত্ব লোপ পেতে ব'সেছে । এই বেলায় উদ্ধার কর, নৈলে গেলে!—তোমরা বেরোও এখান থেকে ; বেরোও বেরোও ! বেরোবে না ?—রোস তবে [ বাহিরে গিয়া যষ্টি আনিয়া, যষ্টি দেখাইয়া ] ভালোয় ভালোয় বেরোবে ত বেরোও—নইলে এই দেখ্ছ !

১ প্রতিবেশিনী । ঈঃ ! একেবারে মহিষ-মর্দিনী মূর্তি !

যাদব । বেরোও ।

২ প্রতিবেশিনী । মার্কো নাকি ?

যাদব । নিশ্চয় বধ কর্ব । [ লাঠি ঘুরাইয়া ] বে—রো—ও ।

৩ প্রতিবেশিনী । করু না দেখি কত সাধ্য । [ আঁচল ঘুরাইয়া পরিল ]

যাদব । ও বাবা [ পিছাইলেন ]

৪ প্রতিবেশিনী । বেরো মিসে, বেরো বলছি—নইলে এই মুখ ছাড়্লাম ।

যাদব । [ সভয়ে ] না, না—আমি যাচ্ছি ।

৫ প্রতিবেশিনী । নইলে [ বাহিরে যাইয়া একগাছি সন্ন্যাজ্জনী  
লইয়া পুনঃ প্রবেশ ] এই খেংরা দেখ্ছিহ্ !

যাদব । ও বাবা ! [ পলায়ন ; পশ্চাতে পশ্চাতে প্রতিবেশিনীগণ  
ধাবমানা হইয়া সকলে নিজ্ফাস্ত ]

যাদবের কণ্ঠার পুনঃপ্রবেশ ।

কণ্ঠা । বাবা ! বাবা ! মা কাঁদছে ।

যাদবের পুনঃ প্রবেশ ।

যাদব । কে কাঁদছে ?

কণ্ঠা । মা ।

যাদব । কেন ?

কণ্ঠা । তা কি জানি ।

[ নেপথ্যে ক্রন্দন ] ওগো তুমি কোথায় গেলে গো—মুখের বাড়া  
ভাত ফেলে তুমি কোথা গেলে—ওগো তুমি কোথায় গেলে গো—

যাদব । আরে হুত্তর—স্ত্রী পর্য্যন্ত কাঁদতে শুরু করে' দিল ।  
ওগো—আমি বেঁচে আছি । এই আমি যাচ্ছি—যাচ্ছি । চল, মা—

কণ্ঠার প্রশ্নান, পশ্চাতে যাদব গমনোত্ত—

শ্রালক-সম্প্রদায়ের প্রবেশ ।

সঙ্গে সিঁকুক, পেটরা, বায় ইত্যাদি ।

১ শ্রালক । নিয়ে চল । নিয়ে চল ।

যাদব । একি আবার !

২ শ্রালক । ওহে কুলী ডাক ।

৩ শ্রালক । কলী । কলী । [ নিজ্ফাস্ত ]



যাদব । কুলী কেন ? জিনিষ পত্তর সব বাইরে টেনে এনে ফেল্‌চো কেন ?

২ শ্রালক । নিয়ে যাবো !

যাদব । কোথায় ?

১ শ্রালক । কোথায় আবার ? আমাদের বাড়ী !—

যাদব । কি রকম ! আমার জিনিষ পত্তর তোমাদের বাড়ীতে নিয়ে যাবে কি রকম ?

২ শ্রালক । আপনার জিনিষ !

যাদব । আজে ।

১ শ্রালক । [ ব্যঙ্গস্বরে ] আজে ;—এই যে কুলী এসেছে ।

তিন চারজন কুলীসহ তৃতীয় শ্রালকের পুনঃ প্রবেশ ।

২ শ্রালক । ওঠাও আগে এই লোহার সিন্ধুকটা । [ কুলীগণ লোহার সিন্ধুক উঠাইতে ব্যস্ত ]

যাদব । খবর্দার—[ অগ্রসর হইলেন ]

শ্রালক । চোপ্‌রও [ প্রহারোত্তত ]

যাদব । অশ্বিনী ! অশ্বিনী ! [ নিজ্রাস্ত ]

শ্রালকবর্গ পরস্পরের প্রতি চাহিয়া ইঙ্গিত করিয়া ক্রমাগত মুখে হাত দিয়া হাত্ত করিতে লাগিলেন ।

১ শ্রালক । ঐ অশ্বিনীকে নিয়ে আবার আস্‌ছে ।

২ শ্রালক । এই ওঠাও—

৩ শ্রালক । শিগ্‌গির, শিগ্‌গির ।

অশ্বিনীর সহিত যাদবের পুনঃ প্রবেশ ।

যাদব । অশ্বিনী, দেখ ত, দেখ ত, অত্যাচারটা দেখ ত—

অধিনী । মহাশয়, আপনারা বাড়ীর জিনিষ পত্র সব টেনে নিয়ে যাচ্ছেন যে ?

১ শ্রালক । কেন যাবো না ? এ সব এখন আমাদের বোনের ।

২ শ্রালক । তিনি আমাদের তত্ত্বাবধানে বাস কর্তে যাচ্ছেন ।

৩ শ্রালক । কারণ যাদব চক্রবর্তী মারা গিয়েছেন ।

যাদব । দেখ ত অত্যাচার ! আমি বেঁচে থাকতে থাকতেই এই অত্যাচার ! এদিকে আমার স্ত্রী যায়, ওদিকে আমার যা কিছু—[ক্রন্দন]

অধিনী । মহাশয়গণ ! এই যাদব বাবুর পরিবার এখন আমার পরিবার । যেহেতু আমার সম্পত্তি পত্নী-বিয়োগ এবং আপনাদের ভগ্নীর পতি-বিয়োগ ।

যাদব । তাতে প্রমাণ হয় যে আমার পরিবার তোমার পরিবার ?

অধিনী । অন্ততঃ তা প্রমাণ করা শক্ত নয় । মহাশয়েরা আপাততঃ বাড়ী যান । লোহার সিক্কের ভার আমি নিচ্ছি ।

শ্রালকগণ । সে কি মহাশয় !

অধিনী । বেশী চালাকি করবেন না । আমি উকীল—যান বলছি ।

শ্রালকবর্গ । যদি না যাউ ?

অধিনী । আইনের তর্কে আপনাদের উড়িয়ে দেব । সাক্ষী দিয়ে-ভঙ্গ করে' দেব ।

শ্রালকগণ । ও বাবা ! চল, চল । [প্রস্থান]

অধিনী । আপনিও এখন যান । এ বাড়ী এখন আমার । যাদব চক্রবর্তীর মৃত্যু হ'য়েছে ।

যাদব । আমি কিন্তু মরিনি ।

অধিনী । প্রমাণসাপেক্ষ । সাক্ষী আছে ?

যাদব । কেন, স্ত্রী সাক্ষী দেবেন ।

অশ্বিনী । বেশ ! আপনার স্ত্রীকে ডাকুন ।

যাদব । ওগো—বলি ও বাড়ীর মধ্যে ! তুমি একবার এদিকে এসো । আর লজ্জা করে' কি হবে ! আমি ধনে প্রাণে মারা যেতে ব'সেছি । বাইরে এসো ।

গাহিতে গাহিতে সৌদামিনীর প্রবেশ ।

ওহে প্রাণনাথ পতি তুমি কোথায় গেলে গো ।

এ ভব সংসার যাবে আঁমায় একা ফেলে গো ।

রাস্তা ভারি এঁ কাবৈঁকা, কেমনে চলিব একা,

প্রাণপতি দেখে হে দেখা ( পায়ে ) দিওনাক ঠেলে গো ॥

যাদব । না, না, দেবো না, পায়ে ঠেলে দেবো না ।—আহা সতী সাধবী !

সৌদামিনীর গীত চলিল—

রৈঁধেছি ইলিশ মৎস্য, খিচুড়ি ও ছাপ-বৎস,

একা আমারই খেতে হবে ( ওগো ) তুমি নাহি খেলে গো ॥

যাদব । রৈঁধেছ ! রৈঁধেছ ! আহা সতী লক্ষ্মী !—সতী লক্ষ্মী ! না, না, আমিও খাব, আমিও খাব ।

সৌদামিনীর গীত চলিল—

পাকা কলপ দিয়ে মাখে, কে হাস্বে আর বাধা দাঁতে,

পরে' মিহি কালাপেড়ে যেন কচি ছেলে গো ॥

যাদব । এই যে আমি হাঁস্বে আমি হাঁস্বে । এই যে হাঁস্ছি  
[ দাঁত বাহির করিলেন ]

সৌদামিনীর গীত চলিল—

হাত ছুই খানি ধরি', কে ডাকিবে 'প্রাণেশ্বরি'

আহা, উহ, ওহো মরি—তুমি নাহি এলে গো ।

যাদব । এই যে আমি এইছি । এই যে তোমার হাত ধরে' ডাকছি—“প্রাণেশ্বরি !” [ সৌদামিনীর হস্ত ধারণ ]

সৌদামিনী । ও বাবা ! এ কে আবার !

যাদব । আমি তোমার স্বামী, তোমার বল্লভ, তোমার নাথ—  
তোমার প্রাণেশ্বর, তোমার হৃদয়-সর্কস্ব—যাদবচন্দ্র চক্রবর্তী । চেয়ে  
দেখ, একবার চেয়ে দেখ ।

সৌদামিনী । [ অবগুণ্ঠন খুলিয়া দেখিয়া ] ওরে বাবারে—মা—রে  
গিয়েছি [ মূচ্ছিতভাবে পতন ]

যাদব । এঁা ! এ কি রকম !

অশ্বিনী । কে তুমি হে অভদ্র ! ভদ্রলোকের পরিবারের গায়ে  
হাত দাও ।

যাদব । উনি আমার পরিবার ।

অশ্বিনী । তোমার !

যাদব । আজে !

অশ্বিনী । তুমি ভদ্রলোক ?

যাদব । উনি আমার পরিবার ।

সৌদামিনী উঠিলেন ।

যাদব । এই যে জ্ঞান হ'য়েছে ।

সৌদামিনী । আমি পতিবিহনে বাঁচবো না ।

অশ্বিনী । সতী লক্ষ্মী !

সৌদামিনী । আমি অবলা সরলা বিহ্বলা বালা—

অশ্বিনী । আহা হা হা !

সৌদামিনী । অকূল বাজ্যকূলপ্রতিকূল সমুদ্রে কেমন করে' কূল রাখি ।

অশ্বিনী । আহা ! কেমন করে' রাখে ।

সৌদামিনী । আমি বিরহিণী কামিনী একাকিনী থাকতে পার্ব না ।  
অশ্বিনী । দরকার কি ? মোহিনী মায়াবিনী ! তোমার অশ্বিনী  
নন্দন বেঁচে থাকতে তোমার কোন ভাবনা নেই ।

যাদব । অশ্বিনী ! তোমার এই কাজ !

সৌদামিনী । আমার সম্প্রতি পতিবিয়োগে—

অশ্বিনী । আমারও স্ত্রীবিয়োগে—

সৌদামিনী । মনের অবস্থা—

অশ্বিনী । অত্যন্ত—

যাদব । খারাপ ! তা ত বুঝেছি কিন্তু তাই বলে—

অশ্বিনী । যাও, এখন তুমি ভিতরে যাও ! আমি বিবাহের  
আয়োজন করিবে যাই । [ সৌদামিনীর প্রস্থান ]

যাদব । কি রকম ! বিয়ে আর শ্রাদ্ধ এক সঙ্গেই ! তাই বা কৈ ।  
শ্রাদ্ধ কর্তেই বা তর সৈল কৈ । হা জগদীশ ! [ বসিয়া পড়িলেন । ]

অশ্বিনী । লাঠিগাছটা ? এই যে [ যষ্টি গ্রহণ ]

যাদব । লাঠি কেন ?

অশ্বিনী । স্ত্রী বশ করবার আয়োজনটা আগে থেকেই ঠিক করে  
রাখি । ৫০০০ টাকার গহনা । দশ হাজার টাকা ত যাদবের স্ত্রীরই  
আছে । তাতে যদি—[ ঘাড় নাড়িলেন ] তা—একরকম হবে ।

যাদব । অশ্বিনী ! দেখ তুমি আমার ভগ্নীপতি—উকীল—তুমি—  
এত নীচ হবে না, যে আমি বেঁচে থাকতেই আমার স্ত্রীকে বিবাহ করি ।

অশ্বিনী । নীচ কি রকম ! বিধবাবিবাহে আমার কোনই আপত্তি নাই ।

যাদব । কিন্তু উনি আমার স্ত্রী ।

অশ্বিনী । উনি নিজেই স্বীকার করেন না । তা কি হবে ।

যাদব । দয়াময় [ কাঁদিতে লাগিলেন ]

অশ্বিনী । দেখুন মহাশয়, আপনাকে দেখে আমার হুঃখ হচ্ছে ।  
হয়ত আপনি যাদব চক্রবর্তী । কিন্তু প্রমাণাতাব । আইনে আপনি  
টিকছেন না । কি করব বলুন । [ প্রশ্নান ]

যাদব । তাইত । স্ত্রী চিনলে না ! অথবা আমি সত্যই মরেছি ।  
দেখি । আমি মরেছি কি বেঁচে আছি এই হ'চ্ছে সমস্ত । আমি  
উর্ষিসস্তাড়িত হ'য়ে বাত্যাবিষ্কুর সংসারসমুদ্রে আন্দোলিত হ'ছি ? না  
যুধি খেলছি ? আমি শাদ্দুল-সিংহ-বরাহ-ব্যালস্কুল অরণ্যের সৃষ্টিভেদ  
অন্ধকারে কাঁদছি ? না গান গাচ্ছি ? দেখি চিম্টি কেটে ।  
[ আপনাকে চিম্টি কাটিয়া ] লাগে ত ! আচ্ছা দেখি মাথাটা ঘুরিয়ে  
[ মাথায় হাত দিয়া ঘুরাইয়া ] কৈ কিছুই ত বুঝতে পারছিনে !—  
না, এ বাঁচাও না, মরাও না । এ বাঁচা ও মরার একটা খিচুড়ি !  
কি ভয়ানক ! এ রকম অবস্থা যে শেষে আমার হবে তা স্বপ্নেও ভাবিনি  
—এরা কারা ? তাইত ! এরা আমার জাতি কুটুম্ব ! মুকিয়ে মুকিয়ে  
দেখি কি করে ! [ লুকায়িতভাবে অবস্থিতি ]

বাণ্যাদিসহ যাদবের জাতিকুটুম্বের প্রবেশ ।

১ম ব্যক্তি । এখানেই বোস ! [ উপবেশন ]

২য় ব্যক্তি । হাঁ—আজ একটু প্রাণ ভরে' স্মৃতি করা যাক ।

[ উপবেশন ]

৩য় ব্যক্তি । [ উপবেশন ] বুড়ো এতদিন পরে ম'রেছে ।

৪র্থ ব্যক্তি । হাড় জুড়িয়েছে । [ উপবেশন ]

৫ম ব্যক্তি । এক পয়সা কাউকে দেয়নি । [ উপবেশন ]

১ম ব্যক্তি । কঞ্জুষের সর্দার !

৩য় ব্যক্তি । বুড়ো মর্কে না বলে' ঠিক করে' ব'সেছিল !

২য় ব্যক্তি । তা' হ'লে দেখা যাচ্ছে যে যাদব চক্রবর্তীও মরে !

৪র্থ ব্যক্তি । বেশ ব'লেছো—হাঃ হাঃ হাঃ হাঃ—

৫ম ব্যক্তি । হাঃ হাঃ হাঃ হাঃ—

যাদব । এরা বেশ খুসী আছে দেখা যাচ্ছে ।

১ম ব্যক্তি । মাটি কামড়ে প'ড়েছিল ।

যাদব । অত্যাঁয় হ'য়েছিল ।

২য় ব্যক্তি । আপদ গিয়েছে ।

যাদব । বাধিত হ'লাম ।

৩য় ব্যক্তি । উইলে আমাদের জন্তু নিশ্চয়ই কিছু রেখে গিয়েছে ।

যাদব । [ বৃদ্ধাস্থুষ্ঠ নাড়িল ] এক পরমাণুও নয়—

৪র্থ ব্যক্তি । তা গিয়েছে ! জ্ঞাতি ত !

যাদব । বয়ে' গেল ।

৫ম ব্যক্তি । কাউকে ত দিয়ে যেতেই হবে ।

যাদব । দেবো না ।

১ম ব্যক্তি । সঙ্গে করে' নিয়ে যেতে পার্কে না ত ।

যাদব । না পারি লোহার সিন্ধুকের চাবিটা ত নিয়ে যাচ্ছি ।

২য় ব্যক্তি । পরকালে গিয়ে মাথা কুটবে ।

যাদব । এখনই কুটতে ইচ্ছা হচ্ছে ।

৩য় ব্যক্তি । নিজের না খেয়ে দেয়ে—দেখত !

যাদব । আর হ'চ্ছে না । এবার দিনে নেংড়া আঁব আর রাতে  
বোম্বাই পুডিং !

৪র্থ ব্যক্তি । ওঃ তার ছেলে দুটো কি টাকাটাই ওড়াবে ।

যাদব । রেখে গেলে ত !

৫ম ব্যক্তি । ধর, গান ধর ।

যাদব । ধর !—শোনা যাক !

## পুনর্জন্ম ।

## সকলের গীত ।

প্রাণ রাখিতে সদাই যে প্রাণান্ত ।  
 জন্মিতে কে চাইত যদি আগে সেটা জান্ত ।  
 ভোগটি হ'লেই সুখটি নষ্ট, তার পরেতে যে সব কষ্ট,  
 বর্ণিতে অক্ষম আমি সে সব বৃত্তান্ত ।  
 স্নানাদির পর নিত্য নিত্য, সুধায় জলে' যায় পিত্ত,  
 খেতে বসলে চর্কণ কর্তে কর্তে পরিশ্রান্ত ।  
 যদিই বা খাই যথাসাধ্য, পেলেই যায় ফুরায় খাওয়া,  
 পাস্ত আস্তে লবণ ফুরায়—লবণ আস্তে পাস্ত ।  
 দিনে গা গড়াবা মাত্র, বসে' নাছি সর্বগাত্র,  
 রাত্রে মশার ব্যবহারও অভঙ্গ নিতান্ত ।  
 তহুগরি ভার্যার অর্ধ-রজনীতে গহনার ফর্দ,  
 নাসিকাডাকা পর্যন্ত নাছি হন ক্ষান্ত ।  
 কিনিলেই কোন দ্রব্য, দাম চাহে যত অসভ্য,  
 রাস্তা যুড়ে বসে' আছে পাওনাদার দুর্দান্ত ।  
 বিয়ে কর্লেই পুত্র কন্যা, আসে যেন প্রবল বন্যা,  
 পড়াতে ও বিয়ে দিতে হই সর্বস্বান্ত ।  
 যাদবের পুত্রবয়ের প্রবেশ ।

১ম পুত্র । বিষয় অর্ধেক আমার ।

২য় পুত্র । এক পয়সাও তোমার নয় । বাবা উইল করে' সব  
আমার নামে রেখে গিয়েছেন ।

যাদব । গিইছি নাকি ! কে আমি ত জানি না ।

১ম পুত্র । জাল উইল—আমি প্রমাণ করব জাল উইল !

২য় পুত্র । কভি নেই ।

১ম পুত্র । আলবৎ ।

২য় পুত্র । আমি চক্রবর্তী সাহেবকে ব্যারিষ্টার দেবো ।



- ১ম পুত্র । আমি চৌধুরী সাহেবকে দেবো ।
- ২য় পুত্র । আমি দশ হাজার টাকা খরচা করব ।
- ১ম পুত্র । আমি পনেরো হাজার টাকা খরচ করব ।
- ২য় পুত্র । জোচ্চোর !
- ১ম পুত্র । ধাপ্পাবাজ !
- ২য় পুত্র । নেংটে ইন্দুর—
- ১ম পুত্র । তেলাপোকা ।
- ২য় পুত্র । আমার বাড়ী থেকে বেরিয়ে যাও ।
- ১ম পুত্র । তোমার বাড়ী !—তোমার বাবার বাড়ী ।
- ২য় পুত্র । নিকালো—
- ১ম পুত্র । চোপ্‌রও—
- ১ম জ্ঞাতি । ওহে ঝগড়া করছ কেন ! আজ আমোদ কর । এমন  
মানন্দের দিন, তোমার বাবা ম'রেছে ।
- ৩য় জ্ঞাতি । হাঁ, পেট ভরে' খাও ।
- ৪র্থ জ্ঞাতি । প্রাণ ভরে' স্ফুর্তি কর ।
- ৫ম জ্ঞাতি । নাচো ।
- ২য় জ্ঞাতি । গাও ।
- ১ম জ্ঞাতি । আমি একটা গান বেঁধেছি ।
- ২য় জ্ঞাতি । হাঁ, গাও ত সেই গানটা—
- ৩য় জ্ঞাতি । কোন্টা ?
- ৪র্থ জ্ঞাতি । ঐ যে ! যেটা তৈরি ক'রেছে বেচু । 'বুড়ো  
ম'রেছে ।' গাও ।
- যাদব । এর মধ্যে গান তৈরি হ'য়ে গিয়েছে । বলিহারি ! শোনা  
যাক্ গানটা ।

সকলের গীত ( কীর্তন )

বুড়ো ম'রেছে বুড়ো ম'রেছে  
বুড়ো ম'রেছে ম'রেছে ম'রেছে ।

যাদব । না আর সহ হয় না ।

সকলের গীত—

বুড়ো ম'রেছে ম'রেছে ম'রেছে ।

যাদব যষ্টি হস্তে গাইতে গাইতে অগ্রসর হইয়া

বুড়ো মরেনি বুড়ো মরেনি

কৈ এখনও ত বুড়ো মরেনি—

১ম পুত্র । এঁয়া এঁয়া ! এ কে ?

২য় পুত্র । তাইত—এ কে ?

যাদব । যুবকদ্বয় ! তোমরা যত পারো আশ্চর্য্য হও । কিন্তু আমার বিশ্বাস যে বুড়ো মরেনি—সে তোমাদের সম্মুখে এই সশরীরে বর্তমান ।

১ম পুত্র । কি রকম !

২য় পুত্র । এঁয়া ! তাইত !

[ উভয়ের পলায়ন ]

জ্ঞাতিবর্গ । কে তুমি হে—আসরটা ভেঙ্গে দিলে ? বেরোও ।

কে তুমি ?

যাদব । আমি ঐ যুবকদ্বয়ের বাবা ।

জ্ঞাতিবর্গ । “বাবা” ! হ'তেই পারে না । বিশ্বাস করি না ।

প্রমাণ কর যে তুমি বাবা ।

যাদব । সবই প্রমাণ কর্তে হবে !—জ্ঞাতিবর্গ ! শুনুন—কোন বেটাই প্রমাণ কর্তে পারে না যে সে বাবা । তবে ওটা বিশ্বাস করে' ধরে' নিতে হয় ।

জ্ঞাতি । না, আমরা বিশ্বাস করি না । বেরিয়ে যাও ।

যাদব । কোথায় যাবো ?

জ্ঞাতিবর্গ । তা আমরা কি জানি ? আমরা তা জানি না ।

যাদব । ছেলে দুটো চিনেছে । শুধু মুখে স্বীকার কর্বে না ।—  
হা রে ছেলে ! আমরা নিজে না খেয়ে আর দশজনকে বঞ্চিত  
করে' টাকা রেখে যাই তোদের ওড়াবার জন্ত ? কৃপণ কে কোথায়  
আছে ! দেখ শেখ, কারণ ঠেকে শিখবার অবকাশ পাবে না ।

১ম ব্যক্তি । কি চাঁদ ! ভাবছে কি ? খাবে একটু ?—নাও ।

[ মণ্ড প্রদান ]

যাদব । [ কিঞ্চিৎ চিন্তা করিয়া ] ছত্তর হোক—দাও [ মণ্ডগ্রহণ  
ও পান ]

২য় ব্যক্তি । গাইতে জানো ?

যাদব । আমি যাদব চক্রবর্তী ।

৩য় ব্যক্তি । কে অস্বীকার কর্ছে !

যাদব । কিন্তু—

৪র্থ ব্যক্তি । এর মধ্যে কিন্তু টিন্ড নেই বাবা—সব এবং ।—আর  
একটু খাও ।

যাদব । [ পান ] আমি কিন্তু যাদব—

৫ম ব্যক্তি । চক্রবর্তী !—বেঁচে থাকো বাবা ।

১ম ব্যক্তি । নাও নাও, একটা গান ধর ।

বাইজির প্রবেশ ।

১ম ব্যক্তি । এই যে বাইজি এসেছে [ সুর করিয়া ] “এসো এসো  
বধু এসো” ।

- ২য় ব্যক্তি । [ সুরে ] “আধ আঁচরে বোস”  
 ৩য় ব্যক্তি । [ সুরে ] “নয়ন ভরিয়ে তোমায় দেখি”  
 ৪র্থ ব্যক্তি । হোল না [ অণু সুরে ] “নয়ন ভরিয়ে তোমায় দেখি” ।  
 ৫ম ব্যক্তি । শেষে কীর্তনের টান কৈ — “দেখি—ই—ই—ই”  
 যাদব । সকলেই ওস্তাদ !  
 ১ম ব্যক্তি । দেখ্‌ছো কি !  
 ২য় ব্যক্তি । বাইজিকে গাইতে দাও ।  
 ৩য় ব্যক্তি । আগে আমি গাইব—“নয়ন ভরিয়ে”—  
 ৪র্থ ব্যক্তি । চুপ্ [ সুরে ] “নয়ন ভরিয়ে”—  
 ৫ম ব্যক্তি । গাও, বাইজি—

## বাইজির গীত ।

আরে আরে মেঁ ইয়া ইস্মে কেয়া কান্ ।  
 উসি জাডামে মুক্কো কুছ্ দেনা ইনাম্ ;  
 ভাতমে দে চুড়ি আওর কাণমে দে ছল,  
 গলামে হাস্‌লি আওর নাক্‌মে দে ফুল,  
 মেরি জান হো যায়গি বাঁচ মসগুল,  
 বাঁচ পিয়ার তুমকো করেঙ্গী হাম্ ।

ক্রমে সকলের নৃত্য । সঙ্গে সঙ্গে যাদবের নৃত্য ও পতন ।  
 সকলে । কি বাপ্, প'ড়্‌লে !  
 যাদব । আ—মি—যাদব—চক্রবর্তি—না, তা—ত নই ;  
 তবে—আমি কে ?—কে ভাই যাদব এলি !—  
 অশ্বিনী দারোগা এবং জমাদার ও দু'জন্ম কনঠেবল সাজিয়া  
 জ্যোতিষ, নন্দ, জীবন ও জলধরের প্রবেশ ।

অশ্বিনী । এলাম বৈকি, দাদা—

জ্ঞাতি কুটুম্ব । ও বাবা পুলিশ—পালা—পালা ।

[ পলায়ন ]

অশ্বিনী । এই জাল যাদব সেজে এসেছে—দেনদার ঠকাতে ।

দারোগা । এই টোম্—টোম্ বোলটা হয় যে তোম্ যাদব  
চক্রটি হয় !

যাদব । আজ্ঞে, জমাদার সাহেব ।

দারোগা । পাকড়ো—

কনষ্টেবলগণ বাঁধিল ।

যাদব । আজ্ঞে আমি—

দারোগা । যাদব চক্রটি হয় ?

যাদব । কোন পুরুষে নই বাবা !

দারোগা । টভ্ ওর মত কর্কে সাজকে আয়া কাহে ?

যাদব । আজ্ঞে—

দারোগা । বুট্—সচ্ বোলো ।

যাদব । দারোগা সাহেব ! আমি বন্বার আগেই সেটা বুট্  
হোলো কেমন করে ?

দারোগা । ও হাম্ জান্টা হয় ।

যাদব । দারোগা সাহেব ! আপনারা সর্বশক্তিমান্ তা জান্তাম,  
কিন্তু তার উপর যে সর্বজ্ঞ তা জান্তাম না ।

দারোগা । সচ্ কহো [ রুলের গুতা দিলেন ]

যাদব । আজ্ঞে, সেই মতলবই ছিল, কিন্তু গুতার চোটে যা সত্য  
কথা সেটা ক্রমে ভুলে যাচ্ছি । এখন আমি কি বল্লে আপনি খুসি হন ?

দারোগা । যে টোম্ যাদব চক্রবর্তী নেই হয় । [ রুল দেখাইলেন ]

বাদব । কভি নেই । মেরো না, বাবা !

দারোগা । তব্ তোম্ কোন্ হায় ?

বাদব । মাধব চক্রবর্তী—

দারোগা । ও কোন্ হায়—

বাদব । বাদবের ছোট ভাই মাধব ।

দারোগা । তবে বাদব চক্রবর্তীর মত চেহারা কর্কে কাহে আয়া ?

বাদব । আজে—[ চিন্তা ]

দারোগা । সচ্ বোলো [ কলের গুতা ] ওর মত চেহারা কর্কে—

বাদব । আজে, বমজ ।

দারোগা । চোপরও—

বাদব । এই চুপ কর্ছি ।

দারোগা । আর কখন কাহেগা যে তোম্ বাদব চক্রটি হায়—

বাদব । কভি নেই—

দারোগা । ইয়ে কোন্ হায় ?

বাদব । আগে ছিলেন আমার—অর্থাৎ বাদবের ভগ্নীর স্বামী ;

এখন তাঁর বিধবার স্বামী !

দারোগা । আভি ঠিক বোল্তা হায় ।

বাদব । আজে, আমি মিথ্যা কথা কদাচ কই ।

দারোগা । নাকমে খং দেও ।

বাদব । কেন জমাদার সাহেব ?

দারোগা । চোপ্‌রও ।—খং দেও ।

বাদব । এই দিচ্ছি । [ নাকে খং ]

দারোগা । বোলো—হায় কোন্ পুরুসমে বাদব চক্রবর্তী  
নেতি হায় ।

১. যাদব । কোন পুরুষে নই । যদি কখন ছিলাম সে মাকাত্তার  
আমলে—

অশ্বিনী । Barred by limitation.

দারোগা । আচ্ছা, ছোড়্ দেও ।

অশ্বিনী । চলুন—জলযোগ করিগে ।

যাদব । আর ভূতপূর্ব্ব আমার বিধবার সঙ্গে দারোগা বাবুর  
আলাপটাও করিয়ে দিও ।

দারোগা । চোপ্‌রও ।

যাদব । [ সভয়ে ] আজে !

যাদব ভিন্ন সকলের প্রস্থান ।

যাদব । যাক্ । শেষে রূলের তিন গুতায় প্রমাণ হ'য়ে গেল যে  
আমি যাদব চক্রবর্তী নই । গুতার চোটে বাবা বলায়—এ ত তুচ্ছ  
কথা । না—আমি ম'রেছিলাম, এ মিথ্যা কথা নয় । ম'রেছিলাম ।  
এ আমার পুনর্জন্ম ! আজ নূতন বিশ্বাস নিয়ে আবার বেঁচে উঠেছি ।  
মৃত্যুর পরে যা বা ঘ'টবে আজ চক্ষের সন্মুখে তার অভিনয় দেখলাম ।  
গরীব দুঃখীকে আর নিজেকে বঞ্চিত ক'রে—না খেয়ে দেয়ে পরের  
হুড়াবার জন্ম টাকা রেখে যাচ্ছি । না—আর না ! এবার যদি আমার  
অস্তিত্ব প্রমাণ কর্তে পারি ত, গরীব দুঃখীকে খেতে দেবো, আর নিজেকে  
পেট ভরে' খাবো । হেসে নাও—এ ছুদিন বৈত নয় । আর প্রমাণ  
না কর্তে পারি ত বনে যাবো—আর তপস্যা করব, যেন আর পুনর্জন্ম  
না হয় ।

[ অশ্বিনী ও সৌদামিনীর প্রবেশ । ]

## সৌদামিনীর গীত ।

তাই তারে নয়নে নয়নে রাখি ।

গা ঢাক হন অমনই বঁধু—একটু যদি ফিরাই আঁধি ।

একটু যদি ফিরে তাকাই, একটু যদি ষাড়টি ঝাঁকাই,

অমনি ওড়েন উধাও হ'য়ে আমার প্রাণ পিঞ্জরের পাখী।

না জানি যে 'মস্তুর' দিয়ে আমার বঁধুর ষাড়ে চড়েন ;

কখন বা অঙ্কলের নিধি অঙ্কল হ'তে বসে' পড়েন ;

তাই যদি তাঁর হেলায় ফেলায় আসতে দোর রাত্রি বেলায়,

বকে' বকে' কেঁদে কেটে 'কুরুক্ষেত্র' করে' থাক ।

সৌদামিনী । কি ভাবছো ?

যাদব । এই যে ! [ করজোড়ে অশ্বিনীকে ] মহাশয়, প্রণাম !

[ প্রণাম । পরে করজোড়ে সৌদামিনীকে প্রণাম ] কি আজ্ঞা হয় ?

অশ্বিনী । যাদব বাবু !

যাদব । কে যাদব বাবু ?

অশ্বিনী । তুমি !

যাদব । কে বললে ? তোমরা দশজনে মিলে একগেই প্রমাণ করে' দিলে যে আমি যাদব চক্রবর্তী নই ; এখন আমি যাদব ? না আমি যাদব নই ।

সৌদামিনী । আহা চটো কেন ! তুমি আমার প্রাণেশ্বর ।

যাদব । কিসে ? এখনই প্রমাণ হয়ে' গেল । কোণ্ঠী, ডাক্তারের সাটিকিফিকেট, খবরের কাগজ, সাক্ষী—আর—প্রমাণের সেরা প্রমাণ রুলের গুতো । এর পরেও—আমি তোমার প্রাণেশ্বর ! আমি কে ?—আমি নেই ।



সৌদামিনী । না, তুমি আছো ।

যাদব । শুনে সুখী হ'লাম ।

সৌদামিনী । আহা রাগ কর কেন ?

যাদব । আমার অভিমান হ'য়েছে । আমি রেগেছি । আমায় বিরক্ত কোরো না । আমি বনে যাবো ।

সৌদামিনী । আমিও যাবো ।

যাদব । আমি তপস্বী হব ।

সৌদামিনী । আমি তপস্বিনী হব ।

যাদব । আর তপস্যা কর, যেন পুনর্জন্মে আমায় আর বিয়ে না করতে হয় । আর যদিই বা বিয়ে করি যেন তোমাকে ঘাড়ে না করতে হয় ।

সৌদামিনী । আমি যেন তোমারই ঘাড়ে পড়ি ।

যাদব । না তুমি আমায় ভালো বাসো না ।

সৌদামিনী । ভালো বাসি—

অশ্বিনী ঘাড় নাড়িলেন ।

যাদব । ঘাড় নাড়ছে যে ! আর একটা মতলব আঁটছে নাকি ? এদিকে চাইছ কি ! এ আমার স্ত্রী [ কর ধারণ ] ।

অশ্বিনী । তোমার তাই বিশ্বাস ?

যাদব । বিশ্বাস ! এখন কি প্রমাণ করতে চাও নাকি যে আমার স্ত্রীও নেই । কোণী বের কর—সার্টিফিকেট যোগাড় কর, কাগজে লেখ ।

অশ্বিনী । আচ্ছা, স্ত্রী তোমায় দিলাম ।

যাদব । অনুগ্রহ !

অশ্বিনী । সে যাহোক ! এখন যাদব বাবু—কিছু শিক্ষা হোল ।

যাদব । অনেক ।—এ আমার পুনর্জন্ম ।

## পুনর্জন্ম ।

গীত ।

ওরে সিদ্ধুক ভরা টাকা—

মিছে বন্ধ করে' রাখা !

যদি, লাগল না কার উপকারে, এলোনা ক ব্যবহারে,  
সে টাকা ত ধনীরা বাড়ে শুধুই মুটের ঝাঁক।

যে টাকার জগ্ন মর্চ্ছ ভেবে

বারভূতে উড়িয়ে দেবে,

তোমার ভাগ্যে রৈল শুধুই উপোষ করে' থাক।

ওরে টাকার উচিত ব্যবহারে

রীতিমত আয়ু বাড়ে,

এই কথাটি একেবারে বলে' গেলাম পাকা।

